

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULIZA LEO

MKUTANO WA SABA

KIKAO CHA NNE

10 APRILI, 2017



ORODHA YA SHUGHULI ZA LEO

MKUTANO WA SABA

KIKAO CHA NNE – TAREHE 10 APRILI, 2017

I. DUA:

II. MASWALI:

OFISI YA RAIS (TAMISEMI):

24. **MHESHIMIWA JUMA SELEMANI NKAMIA (CHEMBA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mheshimiwa Rais wakati wa kampeni alipotembelea Wilaya ya Chemba aliahidi kuongeza fedha za ujenzi wa Jengo la Halmashauri mpya ya Wilaya:-

Je, katika mwaka huu wa fedha, Serikali imetenga kiasi gani kuendeleza ujenzi huo.

25. **MHESHIMIWA ESTER ALEXANDER MAHAWA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Vituo vya Afya na Zahanati zilizo karibu na Hospitali za Wilaya zina

changamoto ya utoaji huduma bora kwa sababu ya upungufu wa dawa na Watumishi wa kada ya afya hivyo kusababisha kuhudumiwa na Hospitali za Wilaya ambazo bajeti za dawa hazikidhi mahitaji:-

Je, Serikali haioni umuhimu wa kuongeza bajeti ya Hospitali za Wilaya zilizoko katika Mkoa wa Manyara.

WIZARA YA AFYA, MAENDELEO YA JAMII, JINSIA, WAZEE NA WATOTO:

26. MHESHIMIWA GOODLUCK ASAPH MLINGA (ULANGA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Mfuko wa Bima ya Afya wa Taifa ulianzishwa kwa ajili ya kuratibu na kusimamia matibabu kwa Watumishi wa Serikali, Taasisi na Mashirika ya Umma nchini:-

- (a) Je, hadi sasa ni Taasisi na Mashirika ya Umma mangapi yamejiunga na mfuko huo;
- (b) Je, ni Taasisi na Mashirika ya Umma mangapi hayajajiunga na mfuko huo.

**27. MHESHIMIWA LOLESIA JEREMIAH
BUKWIMBA (BUSANDA):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Katika Mkutano wa SADC uliofanyika nchini Swaziland pamoja na mambo mengine suala zima la kupambana na ugonjwa wa Kifua Kikuu na *Silicosis* lilijadiliwa. Ugonjwa huo unaathiri sana watu wanaojihusisha na shughuli za uchimbaji wa madini na wale wanaoishi kandokando na maeneo ya uchimbaji:-

- (a) Tanzania ikiwa miongoni mwa nchi wanachama wa SADC; Je, inalifahamu tatizo hilo;
- (b) Je, Serikali ina mkakati gani wa makusudi wa kupambana na ugonjwa huo wa Kifua Kikuu na *Silicosis* hasa katika maeneo yenye shughuli za uchimbaji wa madini.

WIZARA YA KILIMO, MIFUGO NA UVUVI:

**28. MHESHIMIWA MWITA MWIKWABE WAITARA
(UKONGA):**

Atamuuliza Mheshimiwa Waziri wa Kilimo, Mifugo na Uvuvi:- Baadhi ya wakazi wa Ukonga wanafuga kuku wa mayai na wengine wanatengeneza chakula cha mifugo, shughuli zinazowainulia kipato na kuweza kupata mahitaji muhimu ya

kimaisha lakini shughuli zao zimeathiriwa na watu wanaoingiza mayai toka nje ya nchi:-

- (a) Je, Serikali ina mpango gani wa kuzuia uingizaji wa mayai toka nje kwa sababu unaharibu soko la ndani la bidhaa hiyo;
- (b) Je, Serikali ina mpango gani wa kusimamia malighafi ili chakula cha mifugo kiendane na bei ya mayai na kuku;
- (c) Je, Serikali ipo tayari kusimamia Wananchi walipwe fidia kutoka kwa wawekezaji wanaoingiza vifaranga wasio na chanjo toka nje ambao wengi wao hufa na kusababisha hasara kwa Wananchi wafugaji.

29. MHESHIMIWA LUCIA MICHAEL MLOWE (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:- Kilimo cha viazi katika Mkoa wa Njombe kimekuwa ni ukombozi kwa wananchi wa Mkoa huo. Zao hilo ni la biashara lakini wananchi wameanza kukata tamaa kutokana na kupanda kwa bei za pembejeo, pembejeo kutokufika kwa wakati na kukosa soko la uhakika:-

Je, Serikali ipo tayari kuwaunganisha wakulima hao na kuwa na chama chao kitakachoweza kupigania haki za wakulima hao.

WIZARA YA FEDHA NA MIPANGO:

30. MHESHIMIWA LUCY SIMON MAGERELI (VITI MAALUM):

Atamuuliza Mheshimiwa Waziri wa Fedha na Mipango:- Katika kipindi cha Serikali ya Awamu ya Tano kumekuwa na mabadiliko makubwa ya uendeshaji wa Shughuli za Bunge kwa kupunguza muda. Bunge sasa hukaa kwa siku 10 hadi 12 tu, jambo ambalo linasababisha muda wa kuchangia na Mawaziri kujibu hoja kuendelea kupunguzwa hadi kufikia dakika tano (5) kitu ambacho kimepunguza kabisa ufanisi wa chombo hiki muhimu chenye majukumu muhimu:-

Je, Serikali ina mpango gani wa kuliwezesha Bunge kufanya shughuli zake kwa ufanisi kwa kuliongezea bajeti.

31. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Fedha na Mipango:- Hapa nchini pamekuwepo na ongezeko kubwa la Taasisi mbalimbali zinazotoa huduma za kifedha kama vile Benki, Vikundi mbalimbali kama VICOBA, Taasisi za Kukopesha Watumishi, Taasisi za Kukopesha Wafanyabiashara na wakati

mwingine watu na mitaji yao wanakopesha Watumishi (kienyeji) kwa kificho ficho:-

- (a) Je, ni chombo kipi hasa chenye wajibu wa kufuatilia kodi zinazotozwa kwa Wananchi;
- (b) Je, kodi zinazotozwa ni halali;
- (c) Je, Serikali ina mpango gani wa kuhakikisha kuwa Wananchi wake hawaibiwi kwa njia hiyo.

32. MHESHIMIWA JANETH ZEBEDAYO MBENE (ILEJE):

Atamuuliza Mheshimiwa Waziri wa Fedha na Mipango:- Jumuiya za Kiuchumi za Kikanda zimekuwa sehemu ya mkakati mkubwa katika kuratibu masuala ya Kiuchumi, Kijamii, Kisiasa na Kimazingira. Ileje ni Wilaya ya mpakani mwa nchi za Malawi na Zambia lakini haina Kituo cha Forodha, hakuna miundombinu ya Soko la Kimataifa, hakuna Kituo cha Uhamiaji, hakuna Kituo cha Kudhibiti Mazao, Mifugo wala Silaha. Hii inasababisha wahamiaji haramu na wahalifu kuweza kutumia mipaka kinyume na Sheria na taratibu.

Je, ni lini Serikali itajenga Kituo cha Forodha, Kituo cha Uhamiaji, Soko la Kimataifa na Kituo cha kukagua Mifugo na Silaha kwa ufanisi na maendeleo ya Ileje.

WIZARA YA MAMBO YA NDANI YA NCHI:

33. MHESHIMIWA ABDALLAH HAJI ALI (KIWANI)

Atamuuliza Mheshimiwa Waziri wa Mambo ya Ndani ya Nchi:- Usafiri wa bodaboda unatoa ajira kwa vijana walio wengi na kurahisisha usafiri lakini zimekuwa zikisababisha ajali nyingi mara kwa mara:-

Je, ni watu wangapi wamepoteza maisha na wangapi wamejeruhiwa na ajali za pikipiki kuanzia mwaka 2010 hadi 2017.

34. MHESHIMIWA MWANNE ISMAEL MCHEMBA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Fomu ya PF3 hutolewa na Polisi tukio linapotokea na kumletea usumbufu mgonjwa kwani anatakiwa kuwa na uthibitisho wa fomu hiyo ili Daktari atoe ushauri wake. Pia mgonjwa hawezi kupatiwa huduma yoyote mpaka awe na fomu hiyo hata kama ana maumivu makali au hali yake ni mbaya:-


Je, Serikali haioni sasa umuhimu wa kufanya marekebisho ya utaratibu huo ili kuwaondolea usumbufu wagonjwa.

III. HOJA ZA SERIKALI:

WAZIRI MKUU:

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2017/2018.

(Majadiliano yanaendelea)



DODOMA
10 APRILI, 2017

DKT. T. D. KASHILILAH
KATIBU WA BUNGE